

Uunga siunnersuut: Aalisarnermut aningaasaliissutitut immikkoortitat pillugit Inatsisartut inatsisaata allangortinnissaa pillugu Inatsisartut inatsisaat

(Aalisarnermut, Piniarnermut Nunalerinermullu Naalakkersuisoq)

Akissuteqaat

(Aalisarnermut, Piniarnermut Nunalerinermullu Naalakkersuisoq)

Aappassaaneerneqarnera

Aalisarnermut, Piniarnermut Nunalerinermullu Ataatsimiititaliap, inatsisissatut siunnersuutip suliarineqarneranut atatillugu annertuumik sulisimanera Naalakkersuisut sinnerlugit qujassutigaaara.

Naalakkersuisut maluginiarpaat ataatsimiititaliami amerlanerussuteqartut ikinnerussuteqartullu inatsisissatut siunnersuut akuerigaat, taamaattorli amerlanerussuteqartut ikinnerussuteqartullu naatsorsuutigaat kingusinnerpaamik pingajussaaneerinninnermi innersuussutit tullinnguuttuni saqqummiunneqartut aallaavigalugit Naalakkersuisut allannguutissatut siunnersuuteqarnissaat:

Amerlanerussuteqartut § 14, imm. 2 nr. 4-mi "ukiuni siuliini marlunni" peerneqarnissaa kissaatigaat.

Ikinnerussuteqartut kissaatigaat § 14, imm. 5-imi nutaamik aalajangersaasoqassasoq tassani qinnuteqartut angallatimik isaterneqarnissaanut atatillugu akuersissutaatiminnik tunniusserusuttut salliutinneqartussangorlugit aalajangersarneqassasoq.

Naalakkersuisut nalunaarutigissavaat isumaliutissiissut Naalakkersuisunit tusaatissatut tiguneqarmat kiisalu Naalakkersuisut pingajussaaneerinninnissamut ataatsimiititaliami amerlanerussuteqartut innersuussutaat malillugu allannguutissatut siunnersuummik saqqummiussissasut.

Taamatut oqaaseqarlunga siunnersuutip Inatsisartunit nanginneqarnissaa Naalakkersuisut sinnerlugit suliaakkiissutigaaara.